

Yesu ni Kila Kitu kwa Wanaompokea

Kondoo wangu waisikia sauti yangu; nami nawajua, nao wanifuata.—Yohana 10:27.

Mabadiliko ya tabia ya mwanadamu huifanya nira ya Yesu kuwa rahisi, mzigo Wake kuwa mwepesi. Kwa njia ya imani kila mtu anaweza, ikiwa atahiari, kuwa mmoja na Yesu katika utii na utumishi wake.

Ni haki ya Mungu pekee kuamuru; na ni wajibu wa mwanadamu kutii. Hakuna kinacholazimisha juu ya nafsi yoyote. Heshima ya wajibu ni kitu kinachotunukiwa kwake kama Mwana wa Mungu, mrithi wa mbingu. Anapaswa kufanya kazi kwa ajili ya Mungu kwa huduma ya upendo, uaminifu, furaha na heshima. Roho ya kumpenda Mungu inaoneshwa katika kutii amri Zake zote. Katika mazingira haya ya upendo Kristo aliishi na kufanya kazi.

Kila neno, kila tendo, ni kazi kwa ajili ya Mungu. Hapa ipo imani kwa Mungu na kwa wanadamu. Kamwe Yesu asingetoa maisha Yake kwa ajili ya jamii ya wanadamu ikiwa asingekuwa na imani katika zile nafsi ambazo Alizifia. Alijua kwamba idadi kubwa ingepokea upendo aliouonesha kwa ajili ya wanadamu. Si kila moyo unaitikia, bali kila moyo unaweza, na utaweza ikiwa utataka, kuuitikia upendo ule ambao hauna kifani. “Kondoo Wangu waisikia sauti Yangu,” alisema Yesu. Moyo unaomwonea shauku Mungu utaitambua sauti ya Mungu. Mungu hawezi kuiitikia nafsi moja ambayo haitaki kuikubali neema Yake aliyoitoa, upendo Wake Aliotukirimu. Anasubiri mwitiko kutoka kwa nafsi zinazotoa ukubali wao....

Jambo hili liko mikononi mwao. Anawaalika katika karamu ya harusi; amcandaa karamu ambayo itatosheleza kila hitaji. Neno Lake limejaa mafuta na vinono. “Nanyi mtanitafuta na kuniona, mtakaponitafuta kwa moyo wenu wote.” ... Kisha atatoa bubujiko la Roho Wake kama vile katika siku ya Pentekoste....

Mazungumzo na Mungu ni kwa kila mtu binafsi na ya unyoofu. Moyo chini ya uongozi wa Roho Mtakatifu utachomwa ndani yao na upendo wa Mungu. Wao ni kama watoto waaminifu. Yesu haangalii ustahilifu wa mtu. Lau kama wote wangekuja jinsi walivyo, na kumruhusu Yeye afanya maandalizi katika kuwachukua kuwa Wake. Bwana anawataka tu wampokee Yeye na wajifunze kuvaa nira Yake, na kubeba mizigo Yake, ili mbingu ione kuwa wamekuwa watendakazi pamoja na Mungu. Kwa nini kila nafsi inayohitaji msaada na pumziko haiwezi kuja kwa mbeba mizigo, ili iweze kuwa na nuru na uzima.

Bwana Yesu hakuweza kujizuia kuangaza na kung'aa. Kazi Yake halisi ilikuwa ni kuangaza. Nimekuja, alisema, “ili wawe na uzima, kisha wawe nao tele.” Ndani Yangu hakuna giza kamwe.... Nuru humaanisha ufunuo, na nuru inapaswa kuangaza katikati ya giza la maadili. Yesu ni kila kitu kwa wale wanaompokea. Yeye ni Mfariji wao, usalama wao, ni ukamilifu wa afya yao. Mbali na Kristo hakuwezi kuwa na nuru. Hakupaswi kuwa na wingu kati ya nafsi na Yesu.... Moyo Wake mkuu wa upendo unatamani kuifurikisha nafsi kwa miale angavu haki Yake

(Letter 153a, 1897).